

آبونه شرائطی

ممالك عثمانیه ده سنه لکی (۶۵)، الق
آیلر (۳۵) غروشدور .

ممالك احصیه ده سنه لکی (۶۷)، الق
آیلر (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

مملکه موافق آثار مع الممنونیه قبول
اولنور . درج ایدله بن یازیلر احاده
اولونماز .



۱۳۳۰

اخطارات

رساله خردن آلمدیغی کوسترمک شرطیه
بتون یازیلر هر هانکی بر خزنه طرفندن
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومروس محترمی
بولونمسی لازمه در .

§

ممالك اجنبیه ایچون آبونه اولانلرک
آدرس لریشک در انسرجه ده یازلمسی دجا
اولنور .

§

پاره کوئدرلدیکی، ان نه یه در اولدیغنک
واضعا بیلدیلمسی دجا اولنور .

عرب طرفندن تصویب ایدلش اولدینی کبی اخیراً جمعیت خیریة اسلامیة ده عرب، ترک، کرد، ایران علما وادباسندن مرکب اوله رق اجتماع ایتمش اولان هیئت علمیة ده دخی اساس اعتباریله قبول ایدلشد. عالم اسلام ایچون جداً پک بیوک بر خدمت اولان بواصلاحی سبیل الرشاد هر کس دن اول تقدیر و تحیل ایدر. بو جمعیت وده رنک طرفلرندن بو یکی یازی ایله نشر ایدیلن ترجمه، عربجه الفبالر و علم حال کتابلری وسائر رساله لر مجاناً توزیع ایدلکه درکه جداً کورولکه شایان اثرلر در.

همان جناب حق عالم اسلامک ترقیسنده پک بیوک عامل اولاجق اولان بوتشبتک عاجلاً نمره دار اولدینی کورمک میسر بیورسون آمین.

شیرین

سوریه :

اسرار ابدائی مکتبیرنک انحطاطی . — بیروده منتشر «الاقبال» رفیقیز بر باش مقاله سنده سوریه طرفلرندن ملی مکاتب ابتدائیه نک آرلغندن ، اهالی اسلامیة ده بوخصوصه اعتنا ایدیلدکندن یانه رق ، یاقیله رق بحث ایدیور. بدرجه یه قدرده حکومت ، بالخاصه کندی اولادلری ایچون آجیمیان ، آنلرک حالی دوشونمین ، آنلرک جاهل قالمه لرینه یاخود اجنبی مکتبیرینه کیدوبده زهرلنمه لرینه راضی اولان غافل ابویه قارشى آجی تعریضلر یاغدریور. بخرستیان عربلرک بلا استثنا کویلیرینه وارنجه یه قدر بوخصوصه ویرمکه اولدقلری عظیم اهتماملردن اولسون عبرت آلمه میان مسلمان قارده شلرینه اسفلر ایدیور ، نهایت معصوم اسلام یاورولرینک ، مملکتیزده زهرلر صاچق اوزره کشاد ایدیلن اجنبی مکتبیرینه کوندرمه نک دین ، تربیه ، سیاست نقطه نظرلرندن مدھش ضررلر تولید ایتدیکنی سویله یور. خلاصه و نتیجه اوله رق سوریه ده معارف ملیه نک تعمیمی خصوصنی دوشونک اوزره ارباب فکر و حیثیتدن بر معارف ملیه جمعیتی تشکیلنی طلب ایدیور.

بخارا :

تفتیشی عبادات . — بخارا رئیس (پولیس مدیری) صباح نمازینی هر کون باشقه برجامه کیدوب قلیور. نمازدن سوکرا بر یوقلامه یاپیور: کلن، کلین آکلاشیلیور. نماز وسائر احکام عبادات حقنده کوچوک بر امتحانده اجرا ایدیلدکدن سوکرا جامعه کلمینلر ایله اپی جواب ویرمه نلرله کوزل بر قیراج اورولیور. بخارا و تورکستان علماسی رئیسک بومعامله سنی لزومی کوریورلر. قیراجه ده تعزیر نامی ویریورلر. بناء علیه قیراج وورمه یی ده شرعی عد ایدیورلر. بوخصوصه ترده دوشن بعض مسلمانلر طرفندن کتته قورغاندن (بخارا امارتی داخلنده برشهر در) اورنورغده منتشر شوری مجموعه سنه بر مکتوب کوندریلرک بونک شرعی وفائده لی برایش اولوب اولدینی صورولمشد.

ایران :

ملک و آسایش . — طهراندن باکوده منتشر «صدای حق» غزته سنه یازیلدیقه کوره : نائب السلطنه ناصرالملک ایرانیه عودتندن بری بوتون ایرانده سکون و آسایش مشاهده اولمقددر. هرکس کندی ایشیله کوچیله مشغولدر. نائب السلطنه نک اورتالقه اولان تأثیری هروجه کندی کوسترمکده در.

لورستان طرفلرندن کی اغتشاشلرده همان سوندریلک اوزره در. سالارالدوله مسئله سیده کندی کندی قانمغه یوز طومشد.

اهالی عمومیت اعتباریله نائب السلطنه نک آوروپا سیاحتی نتیجه سی اوله رق حاضرلش اولسی مأمول پروژله رینی تطبیق ایله تنظیمات باشلاماسی بکلرورلر. فقط نائب السلطنه دما بوخصوصه هیچ بر وجهه شق شفه ایتدیکی یوقدر.

مشروطیت علمبرنره هرکندر . — مجلس ملی انتخاباتی مسئله سنه کلنجه بوده پک عجائبد. وقتیله انتخاباتی صبر سزقله بکلرین، مشروطیتک استحصالی اوغورنده پک زیاده یورولان دیوقراتلر (عوام فرقه سی) بیله درین بر سکونت ایچنده بولنیورلر: یکی انتخاباتک باشلامسی ایچون هیچ برتشتنده بولنه یورلر. ارتجاعیون ایسه آلا بیلدیکنه یوریور. اهالی آراسنده مشروطیت فکری تمامیه سونمک اوزره در. مأمورین حکومتدن، ایلرو کلنلردن هیچ برکیمسه مشروطیتی آغزینیه بیله آله یور. مطلقیت استبداد طرفداری کوندن کونه چوغالیور.

ایران جنوبی اهالیسی آراسنده یکی انتخاباتک باشلامسی خصوصنده آرزوق بر حرکت مشهود اولقله برابر، اصل محمد علی شاهک خلیفه مجلس ملیتک کشادی و مشروطیتک تأسی اوغورنده خیلی چالیشمش اولان شمالی ایرانیلر تمامیه التزام سکوت ایدیورلر. آذربایجانده ایسه مدھش بر ارتجاع حکمفرمادر. تبریزیلر مشروطیت علمبرنده یاغدرلر قوباریورلر.

حق یکی انتخاباتک باشلامیره دکان ، بازارلری قاپایه رق مجلسه بویقوت یاغجقلرینی سویله یورلر.

هندستان :

مذاهب الکعبه جمعیتی . — هندستان غزته لرنده کوریلدیکنه نظر آ هندستانده «خدام الکعبه» نامیه بر جمعیت خیریة تشکیل ایدیلشد. جمعیت انتساب ایدمک کیمسه لر اول امرده ملل اجنبیه طرفندن کعبه معظمه یه ، اراضی مقدسه یه کوچوک بر تسلط وقوعه کلیرسه بوتون وارقلرله مدافعه ایدمک جکرینه یمن ایتدیریلیور. اعضادن سنوی بر رویه آلتیور. بو جمعیتک بالعموم ممالک اسلامیة ده شعبه لری اوله جقدر.

انگلتره :

هرمین شریفینک محاسبی ! — یکی لوندره شهر امیننک شرفه (کیلدهال) دأره سنده ویریلن ضیافتده باش وکیل مستر آسکیت جنابلری ایراد ایتدکلری بر نقطده بالقانلر حربی مناسبتیه احوال عمومیة سیاسیة حقنده بر طاقم بیانات مهمه ده بولونقدن سوکرا آسیای عثمانیده کی انگلیز منافعه نقل کلام ایله دیمشدرکه :

«شرق وقایع اخیره سنده بزجه جالب ممنویت باشقه بر ماده وارددرکه اوده حربک آسیای عثمانی ولایاته سرایت ایتمه میسر. آسیای عثمانی تمامیتنک خللدن مصون قالمسی انگلتره ده آرزو اولونور. آسیای عثمانیده ، بوتون عالم اسلام و میلدونلرجه انگلتره نک صادق وفدا کار تبعه سندن بولونان اسلاملر نظرنده مقدس عد اولونان مواقع مبارکه موجودر.

بومقامات مبارکه نک تحت تهدیده قالماسنه و یاخود اسلاملرک اندن حیقماسی احتماله قارشى لاقیدی کوسترمک بزم ایچون ممکن دکدر. مستغنی بیان اولدینی اوزره دول سائر ایله مشترکاً آسیای عثمانی تمامیت ملکیه سنک تجاوزدن مصون قالمه سنی آرزو ایتمه ایچون سائر ودها عمومی سیلر وارددر.»

عرض محمدت

بوراده وکرک بعید و قریب ولایات شاهانه ده اقامت کزین افاضل کرام طرفندن تفسیر شریفک تبریکی وسیله سیله بیانی شرفتوارد ایدن انواع نامه التفاته عظیم تشکرلر ایدر و کثرت مصالح رسمیه مبنی آری آری اجوبه سنی تقدیم ایدمکدن [سبیل الرشاد] ی عرض معذرتة توسیط ایلرم.

باش مدعی عمومی

برکت زاده اسماعیل هقی

«توسیع طباعت» مطبعه سنده
باصیلشد

ع. اشرف ارباب